

DOÑO DI EXCALIBUR RESTAURANT TA BISA CU NO TIN NINGUN PROBLEMA

ÓRANJESTAD (AAN): Ayeratardi den un conferencia di prensa na Excalibur disco, e doño señor Michael Gomez, a duna prensa e otro banda di medaya di e problema cu tin cu e establecimiento aki.

Segun señor Gomez no tin ningun problema cu e establecimiento aki y ta solamente un persona, cu ta biba banda di e establecimiento aki, ta causando henter e problema aki.

Durante e dianan cu a pasa e establecimiento aki a sali den publicidad, debi cu autoridadnan a laga cera e lugar aki na diferente ocasion.

Señor Michael Gomez ta bisa cu ta un inhusticia ta worde cometi contra su establecimiento, door di dos agente policial cu ta bin cada biaha, pa cera su lugar sin cu nan tin un orden di mando policial ariba papel.

Te ainda e lugar aki no a haya su permit definitivo di Gobierno pa asina nan por opera "legalmente".

Tin un peticion firma door di bisñanan cu a worde manda pa autoridadnan caminda nan ta expresa nan "bezwaar" contra e establecimiento aki.

Pero segun Gomez e mayoria di e firmanan ta di hendenan cu no ta ni biba den e bario aki y hopi di e firmanan, ta di hendenan cu ta doño of cu ta traha den un negoshi, cu ta keda leu for di e lugar aki.

Ariba dje e doño di e establecimiento aki tin un carta di Juez, caminda e Gobierno anterior ta worde reta pa bin

cu argumentonan, pa no duna e establecimiento aki un permit.

Den e carta di Juez e Gobierno anterior a haya 7 dia di tempo pa cumpli cu e exigencia di Juez y te awe e situacion aki a keda e mesun cos.

Awor e Gobierno actual ta haya otro batata cayente di e Gobierno anterior y e asunto aki a cuminsa bay for di man.

Señor Michael Gomez ta acusa e dos oficial di polis, Gibbs y Olderbruil cu ta bin cada biaha pa cera su lugar, di ta tuma ley den nan mesun man, pasobra segun Gomez e tin un carta di juez cu ta dune e derecho di tene su lugar habri.

E carta aki a worde muestra na e polisnan, ora cu nan a bin pa cera e lugar, pero segun Gomez asina mes e polisnan a saca e clientenan pafo y cera e lugar.

Awor e doñonan di e establecimiento aki, lo bay

lanta un caso contra Gobierno pa asina trece un fin na henter e situacion aki.

Redactor di DIARIO a haya e oportunidad pa pasa den henter e establecimiento pa asina mira si e lugar ta limpi y tambe pa haci un sound check.

Mester worde bisa cu e cushina ta un di e cushinanan mas limpi na Aruba, e establecimiento ta limpi y nechi y ariba esaki no por tin keho.

Pa loke ta trata e sonido, e doño a laga nos scucha con duro nan ta pone e sonido anochi y si nan ta tene nan mes, na e nivel di sonido aki, anto esaki tampoco por ta un problema.

Ariba e establecimiento mes no tin nada di reclama y segun e doño, e entrada ta 23 aña pariba pa hende homber y pa hende muher 18 aña.

Hecho si ta cu ningun persona ta gusta pa tin un discoteca banda di nan cas, pasobra esaki por trece

problema den futuro, ora cu hendenan sali burachi for di e lugar y asina causa molester.

Tin otro establecimiento nan den playa cu tambe ta causa hopi molester pa habitantenan, manera entre otro esun cu e "Barbuletnan" pariba di e cruzada di La Fama.

Segun señor Gomez e publico cu ta worde selecta pa drenta su negoshi, ta hendenan di un edad y comportacion diferente cu otro establecimentonan y ta pesey nan no ta kere, cu e lugar

aki lo causa molester pa ningun hende.

E preocupacion mas grandi den pueblo pa cada establecimiento nocturno, ta pa e hubentud no worde confronta cu droga y otro maldadnan.

E caso aki ta parece di ta un bruhamiento completo y uno cu e Gobierno anterior mester a resolve y awor ta Juez mester bay cay den e asunto aki, pa asina trece solucion y tempo lo bay muestra, si e establecimiento aki tin derecho di existencia si of no.

TA BENDE



Chevrolet S-10 Tahoe Pkg
Pick-up 1988, V-6 4.3liter.
Extended cab, automatic,
power steering, a/c power
window, power lock, Air
shock, low mi.

Afl. 16.500
tel: 76688

KUSTWACHTERS PROMINENTE!!!



ORARIO ESPECIAL
PA E DIASABRANAN

DEC. 3, 10, 17 - 8:00 - 12:30 &
3:00 - 6:00 O'STAD & SAN NICOLAS

8:00 - 12:30 & 2:00 - 5:00

DAKOTA - RONDWEG 121

DEC. 24 & 31

SOLAMENTE 8:00 - 12:30

BRENCHIE'S

O'STAD, DAKOTA, SAN NICOLAS

"#1 DESDE 1934"